

UGOVOR

o rekreativnim uslugama članova sindikalnih i drugih organizacija
zaključen u Sarajevu između:

JP „Olimpijski bazen Otoka“, d.o.o.	Sarajevo	Bulevar Meše Selimovića 83-b
Telefon br. 033 773 850	Fax.br.	033 773 874
ID br. 4201330820004	Rješ. o reg. br.	065-0-Reg-08-001089
Račun br. 338-690-223327-4959	Banka:	UniCredit bank dd Sarajevo
Koga zastupa: <u>Avdija Hasanović, direktor</u>		

(u daljem tekstu: Olimpijski bazen Otoka).

i

Sindikat doktora medicine i stomatologije Kantona Sarajevo	SARAJEVO	Bulevar Meše Selimovića 81 B
Telefon br. 061/854-576	Fax.br.	/
ID br. 4202311900001	Rješ. o reg. br.	03-03-05-13761-16
Račun br. 101-104-007412-5349	Banka:	Privredna banka d.d. Sarajevo
Koga zastupa: <u>Prim. dr Izet Hočko</u>		

(u daljem tekstu: Korisnik usluga).

Član 1.

U cilju realizacije rekreacije Korisnika usluga, ugovorne strane su se dogovorile da se ovim ugovorom regulišu slijedeće prostorno - tehničke usluge:

- A. Olimpijski bazen Otoka će Korisniku usluga ustupiti na korištenje slijedeće prostore sa pripadajućom opremom:
 - a. Obilježeni prostor za rekreativce u bazenu;
 - b. Teretanu, Fitnes salu;
 - c. Sauna od 12.00 do 21.00 sata;
 - d. Odgovarajući prostor svlačionice sa tuševima;
 - e. Sanitarne čvorove
- B. Olimpijski bazen Otoka osigurava i stručno tehničko osoblje za opsluživanje:
 - a. Elektroinstalacija
 - b. Rasvjete
 - c. Klimatizacije
 - d. Hidroinstalacija
 - e. Segmenta opšteg održavanja
- C. Olimpijski bazen Otoka će o svom trošku organizovati:
 - a. Obezbjedenje prostora
 - b. Tekuće održavanje
 - c. Čišćenje i odvoz smeća i dezinfekciju prostora (čišćenja prostora od smeća koje nije odloženo u za to predviđeno mjesto je obaveza Korisnika usluga)

Član 2.

Neograničeno je korištenje pomenutih sadržaja, bazena i saune u periodu od 12.00 do 21.00 sata, a za fitness centra neograničeno.

Član 3.

- a) Visine cijena pojedinačnih karti za članove sindikalnih organizacija za korištenje bazen i saune:
 - **Mjesečna karta - sindikat - 70,00 KM.**
 - **Godišnja karta - sindikat - 350,00 KM.**
- b) Visina cijena pojedinačnih karti za fitness centar:
 - **Mjesečna karta - sindikat - 50,00 KM.**
 - **Godišnja karta - sindikat - 300,00 KM.**

- **U cijene je ukalkulisan PDV-e.**

Sindikalnu kartu, za usluge pod tačkom a) može koristiti i jedan član uže porodice (supružnici i djeca) isključivo pojedinačno, uz prijavu podataka tog člana koji će koristiti sindikalnu kartu, pri kupovini sindikalne karte na blagajni JP "Olimpijski bazen Otoka" d.o.o. Sarajevo, a za usluge pod tačkom b) može koristiti samo jedna osoba.

- c) Korisnik usluga je obavezan dostaviti sindikalni spisak svojih članova, koji se po potrebi može i dopunjavati, na recepciju JP "Olimpijski bazen Otoka" d.o.o Sarajevo.

Za usluge pod tačkom a) i b) članovima sindikata odobrava se rabat u visini od 20%, u skladu sa odlukom direktora JP "Olimpijski bazen Otoka" d.o.o. Sarajevo.

Svaka zloupotreba sindikalnih karti mimo predviđenih pravila bi će sankcionisana oduzimanjem iste.

Član 4.

Cijena usluga ovog ugovora određuje se na osnovu zvaničnog Cjenovnika usluga JP „Olimpijski bazen Otoka“ d.o.o. Sarajevo, koji je na snazi u vrijeme korištenja usluga.

Član 5.

Obaveze Korisnika usluga su:

- da svu opremu i rekvizite koji su vlasništvo Olimpijskog bazena Otoka koristi na način dobrog domaćina;
- da nadoknadi eventualnu štetu koja nastane na stvarima, opremi, instalacijama i objektu a koju su prouzrokovali članovi Korisnika usluga;
- da predmetni prostor iz člana 1. ovog ugovora koristi isključivo za ugovorenu namjenu treniranja, bez korištenja za druge namjene;
- da ovlaštenom licu Olimpijskog bazena Otoka dostavi spisak sa imenima i osnovnim podacima za lica koja će voditi treninge i posebno za lica koje će biti ovlašteno lica Korisnika usluga;
- da svoje zahtjeve i obavještenja o svim promjenama obavezno dostavlja u pisanoj formi;

Član 6.

Korisnik usluga je odgovoran:

- za pridržavanje slijedećeg protokola korištenja prostora Olimpijskog bazena Otoka:
 - o Prilikom ulaska u objekat obavezno je posjedovanje odgovarajuće opreme;
 - o Poslije treninga obavezno je vraćanje ključeva od ormara;
 - o U slučaju učinjene štete napraviti će se zapisnik sa domaćinom o učinjenoj šteti.
- lica koja prisustvuju treningu obavezno se kreću dogovorenim hodnim linijama, na način da njihovo kretanje ne ometa odvijanje drugih sadržaja u objektu niti da se ugrozi bezbjednost lica koja prisustvuju treningu, drugih korisnika objekta i samog objekta;
- da se lica koja koriste usluge bazena se ponašaju u skladu sa „Kućnim redom i pravilima ponašanja“ objekta, te da se pridržavaju pravila o protivpožarnoj zaštiti i zaštiti na radu.

Član 7.

Ovaj ugovor se potpisuje na period od godinu dana i teče od dana potpisivanja. Ako jedna od ugovornih strana ne ispunjava svoje ugovorne obaveze, druga strana može jednostrano raskinuti ovaj ugovor uz prethodnu pisanu najavu.

Član 8.

U slučaju spora sporazumne strane će sve nesporazume pokušati riješiti mirnim putem, a ukoliko u tome ne uspiju, utvrđuje se mjesna nadležnost stvarno nadležnog suda u Sarajevu.

Član 9.

Ovaj ugovor sačinjen je u četiri (4) istovjetna primjerka na dvije stranice sa devet (9) članova, od kojih svaki primjerak ima vrijednost originala, a svaka ugovorna strana zadržava po dva (2) primjerka.

Član 10.

Ugovorne stranke su pročitale i razumjele ovaj ugovor, te izjavljuju da isti predstavlja izraz njihovih stvarnih volja te ga u to ime i potpisuju.

Sindikata doktora medicine i stomatologije KS

JP "Olimpijski bazen Otoka" d.o.o. Sarajevo


Prim. dr. Izet Hočko
Predsjednik UO SDMISKS




Avdija Hasanović, direktor

Broj: 197/23
Sarajevo, 13.10.2023. god.

Broj: 02-1-1942/23
Sarajevo, 13.10.2023. god.